

E potret aki ta ilustra e buraconan cu e Indianan tabata usa pa pone e stakanan pa wanta e dak di nan cas.

Conoce bo Aruba

E luna aki ta e luna caminda cu nos ta conmemora 500 aña di e encuentro di e mundo biew cu esun nobo. Pa e motibo ey e seccion aki di "Conoce Bo Aruba" kier a trece un poco di e indjannan "Caquetio" cu tabata habitá aki na Aruba den forma di un recapitulacion.

E Caquetionan a bin biba aki na Aruba despues di e tempo Preceramico. E Caquetionan no tabata biba solamente na Aruba, sino tambe na Boneiro, Corsow y costa di Venezuela. Nan tabata papia e idioma "Arowak".

E Caquetionan tabata conoce un forma di maneho. E hefe mayor di e Caquetionan tabata e Cacique. E pastor tabata yuda e Cacique durante e ceremonianan. Cerca cada tribu e pastor tabatin un otro number. E Cacique tabatin otro ayudantenan: E "Diao" y su "Datihao's".

E hombernan Caquetio tabata 1.70 meter di halto, e muhernan un poco mas chikito. Nan construccion fisico tabata fuerte cu schoudernan hancho. E color di cuero tabata bruin di koper y nan cabey preto, stret y wowonan preto.

Riba Aruba e Caquetionan tabata escohe un lugar fiho; por ehempel cerca di un rooi caminda cu nan por planta y cosecha.

Nan pueblitonan tabata consisti di cabaña. Nan tabata haci "aardewerk" y planta. Nan forma di biba tabata varia for di esnan di e tempo preceramico. E Caquetionan a bini akinan cu nan mesun cultura (custumbernan y tradicionnan) y tabata por adapta nan mes bon na e situacion riba nos isla. Nan tabata campesinonan simpel cu tabata planta maishi. Como pueblo e Caquetionan tabata amante di paz, amabel y tabata gusta nan cerbez di maishi. Apesar cu nan no tabata bringando, nan tabata tene guerra cada tres aña pa honra

nan Diosnan.

E enemigonan di e Caquetionan tabata e Caribenan. E Caribenan si tabata hiba hopi guerra. Durante ceremonianan religioso nan tabata come carni humano.

E parti mas biew di Aruba ta mas o menos 95 miyon aña biew. E parti den cercania di Jamanota ta consisti di piedranan vulcanico entre otro diabaas. E formacion di piedra rond na Ayo y Casibari ta consisti di dioriet. Nos cuebanan a wordo crea miyones di aña pasa y ta consisti di miljard di bestianan di koraal (un miljard ta 100 miyon).

Aruba tin un clima cayente cu un temporada di yobida (di fin di oktober pa fin di februari) y un tempo di segura (di fin di februari pa oktober). Den e paisahenan Arubiano nos ta



Un schaal cu tres pia cu a ser hanja na Ser'i Noka. E ta den estado perfecto.

mira rooinan ta core. Esakinan ta riewnan di awacero; den temponan seco nan ta gleufnan no profundo den tera.

E hermentnan di mas grandi tabata: hacha, beitel,



Un excavacion caminda cu a hanja un urna cu e restonan di un indiano.

martiew y chapi. E Caquetionan mester a kita un pida mondi pa asina pone nan plantacion. Tambe nan tabata usa nan hermentnan grandi pa construccion di nan kano'nan y casnan. Algun biaha nan tabata usa nan hachanan pa defende nan mes. E chapi tabata wordo usa pa haci e tera los y pa traha buraco pa planta. E hachanan, beitel y martiewnan tabata di diabaas. Solamente e chapi tabata wordo traha di cocolishi di calco.

E hermentnan mas fini tabata: cuchiu, boor y artefactonan pa raspa. E cuchiu nan scerpi tabatin e parti di corta stret y traha di diabaas. E boorman tabata chikito y traha di hert. Chert ta e nomber pa "vuursteen", cu a wordo treci di Venezuela pa Aruba. Nan tabata usa e boorman pa traha buraco den cocolishi pa pasa un cabuya aden. Cu hopi pida chikito di chert den un planki nan tabata traha un raspa. E herementnan pa "jach" tabata bola (slingerstenen). E bolanan aki tabatin un coba rond pa asina por a haci e netnan di pisca y e trampanan pa kreef mas pisa. E bolanan tabata un sorto di slinger di piedra. Nan tabata usanan pa "jaag" y tambe pa herida e enemigonan.

E hermentnan no acaba tabata wordo usa pa bati e calco y asina saca e "slak" afor. Tambe tabatin specialmente pa slijp hacha, beitel y cuchiu. Cu esunnan di wrijf tabata mula piedra chikito pa traha puiro pa verf. Cu e piedra di mula grandi tabata mula maishi.

Tur loke a wordo traha den e tempo Ceramico di

FUNK 96

WHERE HIP HOP LIVES

Every
Thursday
10pm - 1am
Saturday
11pm - 1am



on **MAGIC**
96.5

"There's no Party like a
Funkateer Party 'Cause the
Funkateer Party Don't Stop!"

palo of mata a caba y disparte. Di palo por ehempel nan a traha conchi, schaal, flecha y boog. Di mata nan a traha net pa pisca, hamaca y manchi. Restonan di artefactonan di piedra, cocoloshi y "aardewerk" ainda ta wordo haya door di archeologonan. E tempo cu nada a wordo scirbi ariba nos ta yama e tempo pre-historico. E tempo pre-ceramico y ceramico ta pertenece na e tempo pre-historico di Aruba.

E Caquetonian tabata cunukero cu tabata planta yuca, maishi y pampuna y tabata warda esakinan den potchinan grandi. Nan cuminda principal tabata pisca y bestianan di cocolishi. Tambe nan tabata come e carni di juana, conew, paharo y turtuga. Nan cumindanan tabata hopi varia por ehempel stoba, pisca of carni gerooster cu simiya di calbas, blachi di agave of takinan di bringamosa y koekinan di cassave. E periodo aki caminda cu potchinan di klei tabata wordo traha ta wordo yama e periodo Ceramico.

E Caquetonian tabata biba segun ordo y reglanan. Nan tabata mantene nan curpa limpi door di baña despues di un cuminda den lama of rooi. Nan no tabatin baño y tabata coba un buraco cu despues nan tabata tapa. Nan tabata drumi tempran cu excepcion di dianan di fiesta.


Na Aruba diferente pueblonan a wordo descubri caminda cu e hendenan ceramico tabata biba. Tin cobamento cu a tuma lugar na Ser'i Noka y Tanki Flip. Door di e cobamentonan aki nos a haya sa hopi di con e indjannan tabata biba. Mayoría di e casnan tabatin un forma rondo of ovaal. Nan tabata usa hopi biga. E buraconan tabata coba den e fondo di dioriet. Akinan e biganan tabata keda stabil. E murayanan entre e biganan tabata consisti di calichi, klei y di yerba seco. E dak plat of punta tabata bin ariba. E cabañanan pa cushina tabata mas chikito y den forma ovaal. Un cas tabata wordo traha door di amigonan y famia.

Probablemente e casnan di famia tabata traha cerca di otro. Den un pueblo tabatin mas o menos 60 persona. Rond di e pleinchin tabatin e casnan di e Datihao, e Boratio, gruponan di famia y amigonan y e cabañanan pa cushina. Riba e pleinchin tabata tene tur ceremonio, fiesta, weganan y intercambio di pertenencia. Na Venezuela tabatin casnan mas grandi cu tabata wordo yama Maloca. Varios di nan hunto tabata forma un poblado.

"Aardewerk" ta un obheto traha di klei suave y muha. E hornamento di aardewerk bao di temperatura haltonos ta yama ceramica. E Caquetonian tabata warda nan awa den potchinan grandi di

ceramica. E herbemento nan tabata wordo haci den potchinan mas chikito. Pan tabata wordo horna den bakinan plat. Tambe nan tabatin potchi y schaalnan decorativo pa nan ceremonianan. Pa un entierro special nan tabata usa un potchi grandi como urna pa dera un hende. Potchinan mas chikito a wordo haya den e graafnan como regalo. E color di verf pa pinta e potchinan tabata cora kima.

Door di e descubrimientonan e archeologonan a bin haya sa hopi di e forma di biba di e



Un kanika cu un figura di cara, cual tabata ser usa durante ceremonianan.

Caquetonian. Nan tabatin dos forma mayor pa dera:

- deramento di cadaver
- deramento cu urna

Na e deramento di un cadaver nan tabata coy e morto y dere cu su rudianan na halto y dobla den forma gehurk.

Deramento cu urna conoce dos manera;

- primario
- secundario

Na e deramento den urna primario e curpa ta wordo poni mesora den forma gehurk den e urna grandi.

Na e deramento den urna secundario e skelet di un urna biew ta wordo saca y despues

dera den un urna chikito cu un tapa ariba.

Mayoría di biaha e morto ta haya un regalo den su graaf. E regalonan aki por ta un schaal, un potchi, un casuela, kelki, un piedra polijst, un piedra bunita, cocolishi of boton. Esakinan lo tabata recuerdo of algo stima door di e morto. Debi cu no tur tabata wordo dera di e mesun forma ta wordo pensa door di e archeologonan cu e hendenan aki tabata diferencia den importancia. Mucha tabata hopi importante cerca e hendenan aki, pasobra nan tabata representa e futuro di e grupo; nan tabata percura pa e grupo sobrevivi. Hende importante y mucha tabata wordo dera den urna.

E mortonan tabata wordo dera den grupo aparta di otro. Pa e motibo ey archeologonan ta pensa cu e hendenan Ceramico tabata biba den famia hunto.

Na Aruba no a wordo haya muestranan di fiesta for di e periodo Ceramico. Si potchinan di cencia a wordo haya, loke ta indica cu nan tabata tene cierto ceremonianan. Loke e archeologonan sa di e fiestanan y ceremonianan ta loke nan sa for di otro Caquetio di e mesun tempo cu tabata biba riba tera firme di Venezuela.

Tur celebracion cu musica, baile, cuminda y bebida tabata pa honra e Diosnan. Akinan nan tabata trece nan ofrendanan.

E instrumentonan di musica di e Caquetonian tabata probablemente traha di palo, cabana, fruta cu simiya. Nan instrumentonan musical tabata probablemente: tambu, maraca, fluit, trompet di



Indianan pintando nan curpa pa ceremonianan special of pa guerra.

cabuyanan cu cocolishi y simiya.

Nan tabata canta riba nan custumbenan y tradicionnan di nan cultura y antepasadonan. Cantando, bailando y contando nan tabata mantene nan cultura bibo. Asina nan tabata siña nan yiunan nan cultura ya cu nan no tabata lesa ni scirbi.

E Caquetonian tabatin un ceremonia religioso hopi importante, caminda cu nan tabata busca contacto cu nan Diosnan. E Datihao tabata hala un puero magico pa drenta den un trance. Pero promer cu esey e tabata limpia su sistema door di pone su "barita magico" den su garganta y saca. Den su trance e Datihao tabata papia cu su Diosnan; e Boratio na su turno tabata splica e hendenan. E ceremonianan aki tabata wordo teni solamente den tempo di guerra, un disaster natural of ora cu e pueblo tabata kier sa algo di e futuro. Pa e fiestanan y ceremonianan e hendenan tabata dorna nan curpa cu flor, cadenanan di cocolishi y boton, pluma y amuleto. Nan tabata pinta nan curpa cu tur sorto di figura y liña. E botonnan tabata plat y rondo traha di cocolishi. Di e botonnan nan tabata traha joyas: cadena pa garganta, enkel y pols. Hopi di e botonnan aki a wordo haya den e grotnan di Budui y Ser'i Boton, pero tambe den e pueblonan.



Cueba di Guadirikiri, na unda tin prueba di presencia di Caquetonian ariba Aruba.



Smile...



Ora bo Come Chuculati Verkade

Abo Tambe Por Gana: Mountain Bike, Nintendo 64

Portable CD Player

Basket cu Productonan Verkade

Scirbi bo number, adres y telefoon patras di cualkier paki di chuculati Verkade y deposita esaki na Consales Cash & Carry, of mande na Consales, P.O. Box 580.

